

OBAVIJEST ZAINTERESOVANIM KANDIDATIMA

Polaganje ispita za **rukovodioca akcije gašenja požara** regulisano je Uredbom o sadržaju, uslovima, načinu i programu polaganja ispita iz oblasti vatrogastva („Službene novine Federacije BiH“, br. 93/12 i 105/14).

Pismena prijava za polaganje ispita za rukovodioca akcije gašenja požara (u daljem tekstu: prijava za polaganje ispita), dostavlja se Federalnoj upravi civilne zaštite na adresu: Vitomira Lukića 10, 71 000 Sarajevo, na propisanom Obrascu prijave za polaganje ispita, **60 dana** prije početka redovnog ispitnog roka. Redovni ispitni rokovi su u **aprilu, junu, septembru i novembru**.

Prijavu za polaganje ispita Federalnoj upravi civilne zaštite, dostavlja organ uprave civilne zaštite kantona, općine / grada (kantonalne uprave i općinske/gradske službe civilne zaštite) u čijem sastavu je profesionalna vatrogasna jedinica koja upućuje/prijavljuje profesionalnog vatrogasca da polaže ispit za rukovodioca akcije gašenja požara, s tim da općinske/gradske službe civilne zaštite, tu prijavu dostavljaju putem nadležne kantonalne uprave civilne zaštite.

Uz Obrazac prijave za polaganje ispita, podnosilac prijave za kandidata kojeg upućuje/prijavljuje da polaže ispit, prilaže ovjerene kopije:

1. Diplome o završenoj školi – fakultetu, odnosno o stručnoj kvalifikaciji;
2. Uvjerenja o položenom ispitu za profesionalnog vatrogasca;
3. Uvjerenja o ukupnom radnom stažu u trajanju od najmanje pet godina, koje je profesionalni vatrogasac ostvario na poslovima profesionalnog vatrogasca nakon položenog ispita za profesionalnog vatrogasca;
4. Dokaz o uplati troškova za polaganje ispita (uplatnica).

U skladu sa Rješenjem o utvrđivanju naknade za polaganje ispita za rukovodioca akcije gašenja požara, koji je donio direktor Federalne uprave civilne zaštite, broj: 05-44-19-150-3/15 od 18.08.2015. godine, troškove za polaganje ispita u iznosu od **450,00 KM**, snosi organ uprave civilne zaštite općine, grada i kantona za kandidata koji je zaposlen u tom organu uprave. Ukoliko kandidat ispit ne položi, troškove ponovnog polaganja ispita snosi kandidat.

Utvrđeni iznos sredstva za polaganje ispita, podnosilac prijave uplaćuje na depozitni račun Trezor Federacije Bosne i Hercegovine, broj: 1020500000106698, otvorenog kod UNION BANKA DD SARAJEVO, budžetska organizacija 4601001, vrsta prihoda 722591, općina 077, poziv na broj 1000092500, jedinstveni ID broj uplatioca, sa naznakom „Za polaganje ispita za rukovodioca akcije gašenja požara“.

Ispit se polaže pred komisijom koju je imenovao direktor Federalne uprave civilne zaštite Rješenjem o imenovanju Komisije za polaganje ispita za rukovodioca akcije gašenja požara, broj: 05-44-19-150-2/15 od 21.04.2015. godine, koje je objavljeno u „Službenim novinama Federacije BiH“, broj 33/15.

Pod sljedećim linkovima, možete preuzeti:

Obrazac prijave za polaganje ispita:

<http://www.fucz.gov.ba/>

Primjer za popunjavanje uplatnice

<http://www.fucz.gov.ba/>

Tekst Uredbe o sadržaju, uslovima, načinu i programu polaganja ispita iz oblasti vatrogastva („Službene novine Federacije BiH“, broj 93/12)

<http://www.fucz.gov.ba/>

Tekst Uredbe o dopunama uredbe o sadržaju, uslovima, načinu i programu polaganja ispita iz oblasti vatrogastva („Službene novine Federacije BiH“, broj 105/14)

<http://www.fucz.gov.ba/>
